

宋詩紀事補遺

宋詩紀事補遺卷九十七

釋子下

歸安陸心源伯剛父輯

懷敬

號虛菴

與榮西

不露鋒芒意已彰揚眉早墮識情鄉著衣喫飯自成
現打瓦鑽龜空着忙若信師姑元女子無疑日本卽
南唐一天月色澄江上底意分明不覆藏

隣交徵
書初篇

道礪

送圓爾上人歸日本

興盡心空轉海東定應赤手展家風
報言日本真天

子且喜楊岐正脉通

隣交徵
書初篇

紹曇

字希叟

送日本爾侍者

徑山無法與人傳幾度親遭劈面拳
今日大唐回首

去鼻頭元在口皮邊

隣交徵
書初篇

大觀

字物初

和靜照詩韻

日轂陞邊不計程，轉頭已是隔重溟。
更遭尊者相勾引，瀑搗飛梁夢未醒。

諸方門戶總經過，惱亂春風有幾多。
今日蒸雲重覩對，絲毫隣交徵書初篇不隔最諳訛。

普度

字虛舟

和靜照詩韻

汲來崖瀑煮新茶，紫玉甌中現瑞霞。
到此豁然如夢覺，一天疏雨濕秋花。

礪邊雲冷裊蒼苔，木杪金燈午夜開。
更問曩猷在何

許分明猶隔海門來

陳交徵
書初篇

普濟

字時翁

和靜照詩韻

各逞神通現瑞茶非雲非雪亦非霞
夢中說夢非見見報道從來眼不花

半千尊者眼如眉一一從頭爲點開
踏斷石橋成兩段方知親過一回來

陳交徵
書初篇

妙弘

字截流

和靜照詩韻

莫辭迢遞供盃茶香噴雲腴映彩霞
兩兩夢中休說夢覺來渾是夢中花

尋幽覓勝到天台觸目風光剪剪開
欲問巖猷舊遺

跡千山排闥送青來

隣交徵書初篇

惟俊

送南浦明公歸日本

空手東來已十霜依然空首口回檣
明明一片祖師

意莫作唐朝事舉揚

隣交徵書初篇

智愚

號虛堂

日本照禪者欲得數字徑以述懷贈之

世路多巘嶮無思不研窮平生見諸老今日自成翁
認字眼猶統過譚耳尙聾任天行直道休問馬牛風
送日本南浦知客

敲磻門庭細揣摩路頭盡處再經過明門說與虛堂

叟東海兒孫日轉多

隣交微
書初篇

道東

送南浦明公歸日本

十幅蒲帆萬里風來無蹤跡去還同擡眸錯認雲山

處人在水天一色中

隣交徵
書初篇

慧開

號無門

日本覺心禪人遠來炷香請益求詩迅筆贈
之

心卽是佛佛卽心心佛元同亘古今覺悟古今心是
佛不須向外別追尋

隣交徵
書初篇

人至收書知得心座元安樂蒙惠數珠水晶
者金重十二錢一收訖山偈奉贈

百八摩尼顆顆圓遼天鼻孔一齊穿恆河砂數佛菩

薩每日呼來跳一圈

隣交徵書初篇

了惠

號西巖

送日本俊上人

鉢盂捧入大唐來飯裏無端咬著砂一粒砂藏諸國

土方知寸步不離家

隣交徵書初篇

行鞏

號石林

送空維那

十載中原一棹還碧琉璃外更無山扣舷三下知誰

會自作吳音唱月彎

隣交徵
書初篇

心月

號石溪

寄日本相模平將軍

徑山收得江西信藏在山中五百年轉送相模賢太

守不煩點破任天然

隣交徵
書初篇

智朋

明州人

□□□□

雨洗淡紅桃萼嫩風搖淺碧柳絲短白雲影裏怪石

露流水光中枯木春

羅湖野錄

和菴主

明州僧先居雪竇之前山後遷杖錫山

題雪竇栖雲菴

自從南嶽來雪竇二十餘年不下山兩處居菴身已
老又尋幽谷養衰殘

十方世界目前寬拋卻雲菴過別山三事壞衣穿處
補一條藜杖伴清閑

黃皮裹骨一常僧壞衲蒙頭百慮澄年老懶能頻對

客攀蘿又上一峻嶒

羅湖野錄

守端

南海楞伽山僧

吊明教嵩禪師詩凡百韻

并引

建中靖國改元辛巳冬十一月旣望余抱遠
公文集自廬嶽而東圖入木錢唐布流天下
乃特詣師故居永安精舍之後嶺端蒙雪霜
排榛莽于所藏闌維不壞之五相舍利小石
塔前恭備香羞茗燭等作禮以供焉因抽鄙
思爲五言古詩凡一百韻長跪端想誠百其
心粲若有對遂作南音稽然以諷之庶不忘

其本而聊爲攀慕悼之之誠也禪師平日有
詩云異鄉風俗客不惡但欲南音來耳邊余
連與藤東西交徼最爲密邇禪師遷寂在于
熙甯五年之夏余纔八歲其實忝師里中之
晚生所作南音不得不爾苟不離正受庶其
裁擇焉

覺城否復隍慧日書有食苟無明哲士曷以救顛仄
緬惟東山師降靈自天德申甫甯加諸奮身若匍匐
吾法傾不網蒼黃莫之測詵詵排佛圖岩岩侍君側
適操權衡者兼領辭翰職率意務品藻庶形在埏埴

唐書預之修韓語例增飾竊自比丘軻拒我過楊墨
惜彼迷至言會之通皇極廢道專以人訐惡肆其力
坑焚必有待伐削豈容刻愚俗初易欺聖主終難惑
當時禪講輩動類百千億獨誰敢支吾縮手俟徽纆
唯師奮然作感憤形諸色一言塗腦肝萬卷羅胷臆
人爵猶唾餘冥鴻詎籠得蠢蠢嗟東人遲遲別南國
厯楚仍聘吳百城慕知識義龍雲之天禪虎角而翼
誅茆靈峯西殺簡仙源北著書劬龍猛護法掌司直
正宗序昭穆原教辯離卽謂釋儒二教雖殊皆相資而化物也筆鋒迴
齒萃詞海彌涵汎紛葩若輝散宏麗尙典實匠媧補

穹旻効禹導溝洫動成幾百卷經世爲模則斯文千古雄斯義萬夫特據理從所征處戰無弗克吾皇遇唐虞吾相遭禹稷抱書乃西獻乘時關凶塞喜覽明光年撫念加歎息賞其繁表才鬱爲天下式謂嘗獵英雋忽此遺弩弋小避三公位高憑四依軾慧日昏復明禪經亂還緘智林久宜茂福田廣須殖大信過豚魚至仁周動植良可班諸藏尋卽遵所敕畧去五韻飛章類席卷橫議同鏡拭春喉那補髮樹口拊拱默始知猛陵翁卽師里名彼多稱猛陵男子故原筮無遺愜金湯義存存涇渭情湜湜畧去二韻旣而謂東歸湖山夢還憶列戶翠

可染當窗秀堪織風尚清散爲僧年白駒逼孰貴秉

燭遊鼓缶歌日昃林遠爭追隨宗雷苦淒惻禪誦心

稍隙騷雅興仍亟道行愈峻卓德聲轉輝

略去七韻

宴

坐居無何遺偈見敦飭大梅颯鼠聲匪我相囚

師臨

終偈云不似大梅老貪隨颯鼠聲云

奄然隨長往休徵難具叻明發鷲

峯下闍維火初熄五相堅不化鮮柔光耀翌燦若金

出銚瑩如玉分功式旌無妄犯奉法剛而寒靈山眾

咸覩望林加渴醴尅奇冠前籍景仰動殊域王公競

嗟駭士庶增悃悞

略去二韻

其收鶴林骨合葬鷲山肋

略去

三韻澗猿徒自號書魚蠹誰蝕僧史半十料工歌全九

蜀

略去六韻

致我來吳楚募師自岐嶷獲記楞伽遊誦味

踰齋職

師有遊吾湟川燕嘉亭及楞伽山寺記也

哲人既云殂至道亦將

陪已乎三十年臨吊徒深尅妙峯高爲塔梵天廣成

國

國或作廛萬物備蒸嘗五雲爭輔翊乾坤或幾息海山

有時泐師其道與名勃然長鬢鬢

鐔津文集

長吉

天台僧

贈台倅徐太博

瓊樹聳芳蕤靈根植仙圃懿哲蘊英才妙歲冲雲路
曲臺峻清秋峩冠懷奇趣霞城倅郡條惠愛春榮布

心破萬頃澄羣物欣翔鷲悻雲擯繁慮虛舟游太素
庾樓明月情謝塘春草句沙鳥下琴軒江風起廳樹
鵬昂出俗操益爲時賢慕異日柏梁游淵雲讓孤步

贈郡糾陳員外

耿介蘊國器茲焉紉郡綱清規稟詩禮華閱聯簪裳
才及挺銛利心鑑涵輝光盤錯無以壅姦邪固難藏
民寃積已雪吏局清如霜彈雀費明月補履煩干將
火烈金益堅雪深松愈蒼英聲人馳騫壯氣方激昂
疑流嗣洪業百辟升賢良孰知隱鵠志卽起摩天翔

題清輝堂

結廬江上棲江雲日爲侶江山相掩映清輝滿庭戶
沙暝見歸禽潮回問去櫓落景一簾風殘雪半江雨
中餐啜露葵午坐烹茶乳少室傳花旨南華齊物語
隱几曠淵源篆香隨玉麈愛此坐忘歸東峯月華吐
遊栖霞宮

龍虎丹砂煉已成方瞳綠髮僊骨輕石床半醉海月
冷芝軒長嘯天風清時泛綠觥陪俠客未騎赤鯉歸
蓬瀛朝簪相訪惜回馭屢奏瑤琴太古聲

桐柏崇道觀

太帝天壇渤澥連金霞蒼壁隔埃塵蓬邱不斷青禽

位仙仗時來白虎駟星籥豈惟壺內景桃花長媚洞
中天優游笑把洪厓袂瞬息人間又幾年以上天台續集
宗覺

蜀僧

桃源

深隱猶疑世上聞桃花還洩洞中春當時不得漁人
入將謂人間幾世秦輿地紀勝

慧明

字無得號竹院

題天封寺

華頂當空出雲霞宿殿庭八荒同納納一氣轉冥冥
日馭經欄過天河俯檻聽長年苦徑合無客到崑崙

天台
別編

修信

漢川人

巖間有唐人紀述字畫漫滅不可讀雍侯有
詩見寄因次韻和之

東山鬱蒼蒼滿眼但松栢况當江闊處萬頃浸瑤碧
招提憑其間歷覽多古迹權輿知誰何紀述謬今昔
層龕儼遺像侍衛森劍舄雨華久寂然煙雨昏石壁

有泉注嵌竇靈脉自融液陰崖隱奇文僅可辨點畫
乾元迄乾道世代屢遷易山僧頗好事公論久乃獲
而我漫浪者平生幾兩屐否臧姑置之長嘯追阮藉
金石苑

從坦

永康人以詩名

句

石泉天象轉花月地痕虛

習字帶秋收柿葉吟詩和月嚼梅花

作詩已得池塘句學易獨明天地心

杜宇一聲蒼樹遠黃鸝三轉落花深

永康志

衍禪師

號石帆嘗嗣法于道場山運菴岳

頌

金鴨香銷更漏深沉沉玉殿紫苔生高空有月千門

照大道無人猶自行

天童寺志

僧儀

字鳳山桐廬人

合江亭

逐飛鴻去

誰山

幾重

桐廬志

弁山阡禪師

與靈隱濟偃濟聞徑山肇雙林朋枯椿曇東山
源詣僧同門爲浙翁珍弟子

送僧歸鄉

奮志南方問正因正因一字不曾聞七零八碎袈裟
角惹得凌虛幾片雲

天童寺志

空室道人

姓梅氏詢之女幼聰慧樂于禪寂

讀法界觀

物我元無二森羅憶象同明明超主伴了了徹真空

一體會多法交參帝網中
重重無盡意動靜悉圓通

羅河
野錄

晦岩

垂虹晚望

老眼青青望洞庭
垂虹斷岸月初生
滔滔橋下無情

水不爲吳王洗甲兵

吳都文粹續集

了元

薦有

寄劉凝之中允

廬山南面落星濱
八十清強致仕人
天下共推爲大老
皇家不得作忠臣
雲棲高鎖真空月
竹洞深藏覺

苑春莫道神仙便無事赤心長是念斯民

三劉集

釋德最

羅霄洞

江南二月春無邊谿竹十里花爭妍兒童且莫吹羗

管我欲臨流枕石眠

舊江西通志

僧子耶

靈峯院

松欺臘雪千年古竹引溪風六月寒

三山志

釋延吉

游碧落洞

碧落有僊躅迴溪限塵跡虎穴建空巖鳥道齊峭壁
蒼松動寒吹孤雲觸幽石物外詣所樂高談混儒釋

韶州府志

義光

合州望黔樓

江上望黔樓望中煙靄浮微涼生戶牖新雨過汀洲
遠岫千重疊清波萬里流此時何限興回首寄羣鷗

輿地紀勝

釋自閑

題忠愍公送婿邢德昭歸婺女詩後

玉潔冰清五十六北山草木亦含芳自如胡李堪同

傳璧合珠聯有耿光

北山文集題跋

僧道光

雲

縱橫出岫長天窄消散歸山片月孤

輿地紀勝僧道光喜作詩嘗吟雲詩云云亦得僧體廉訪使李某喜之贈詩云豪泉崇福僧道光只有詩腸無酒腸野鶴性情猿伴侶嘯吟風月自昂藏

一百七

德惠

普通禪寺

古寺何年有巍哉入杳冥水如僧眼碧山作佛頭青

瓦礫皆能說虛空亦解聽道人心已死窻下卷殘經
萍鄉縣志

釋巖隱

遊黃山

芒屨踏徧翠微中拭目羣峯勢插空石罅迸泉珠跳
白山花落澗錦浮紅一天星澹猿啼曉萬壑雲生虎
嘯風藥曰丹壚經世遠軒皇曾此駕飛虹
黃山志

怡庵

黃山

千巖競沒翠雲梯萬壑爭流鳥亂啼月塔正圓如月

印天都直上與天齊
山椒夜起金銀氣
谷口朝看霧靄迷
借問古今嘉遯者
苔花蝕刻幾留題

黃山志

僧義鋸

文亭館

青山厯厯映江流
半是明州半越州
亭下寒潮亭上

客不知來往幾時休

蕙谿縣志

僧愁

東臬彈琴

落葉秋滿庭夜深月臨沼獨坐彈素琴知音有魚鳥

蕙谿縣志

懶漁

龍華山

梵王宮倚市塵開波劫何曾斷俗埃百萬源流歸海會三千世界屬如來老龍收雨藏香鉢野鶴聽經遶法臺聞道題名還有塔熙甯四老總多才

江山縣志

巽中

謝吳令惠越紙

不用徵文弔剡藤紙成功用貴深精布頭未足全彰
美魚網徒勞獨擅名贈我喜同青玉案報公慚乏碧
雲情道山何日鞭歸騎給札還應付長卿

剡錄

洪海

別諸禪眾

萬瓦禪林聳翠螺四圍山色玉新磨恍疑別換胸懷
子霽月光風覺轉多

靈岩集

德清

英州道中

海外入王庭，瀆陽似井陘。山多還北極，水獨注南溟。
怪石窮天巧，幽人乞地靈。魚龍三峽隱，中夜氣常腥。

韶州府志

九成臺

天際雙龍抱，古城帝遊輦。路不知名灘，聲嗚咽東流。
水似聽簫韶，奏九成同上

龍石

永樂寺

江雲如鏡平，月當秋夜白。款乃一聲歌，舟中南北客。

慈谿
縣志

惟晦

次韻契嵩

雪滿西山春未歸，泉聲凍咽鳥聲稀。
靜觀眼境人間渺，驅逐詩魔天外飛。
一飽每將松作飯，太寒重換紙爲衣。
我憐詩是君家事，更約論心極細微。

鐔津文集

修睦

宿岳陽開元寺

竟日凭虛檻，何當興歎頻。
往來人自老，今古月長新。
風逆沈魚唱，松疏露鶴身。
無眠鐘又動，幾客在迷津。

宋元
詩會

慈永

咏月桂峯桂子

丹桂生瑤寶千年會一時偏從天竺落祇向月宮知
出海冰輪滿當軒玉樹遲清暉含遠嶠接影下空墀
金氣風初勁銀河露恐垂嬋娟應悵望果爾見蛾眉

錢唐志

景雲

老僧

日照西山雪老僧門始開凍瓶黏柱礎宿火陷爐灰

童子病歸去鹿麋寒入來齋鐘知漸近枝鳥下生臺

宋元
詩會

子蘭

萼嚴寺望樊川

萬木葉初紅人家樹色中疏鐘搖雨腳積水浸雲容
雪磧迴寒雁村燈促夜春舊山歸未得生計欲何從

宋元
詩會

尚顏

夷陵卽事

不難饒白髮相續是灘波避世嫌身晚思家乞夢多

暑衣經雪看凍研向陽呵豈意臨歧路還聞聖主過

宋元
詩會

虛中

贈栖禪上人

巖房高且靜住此幾寒暄鹿唄安禪石猿啼乞食村
朝陽生樹鏤古路透雲根獨步閒相覓淒涼碧洞門

宋元
詩會

清尚

贈樊川長老

瘦顏諸骨現滿面雪毫垂坐石鳥疑死出門人謂痴

照身潭入楚浸影檜生隋太白曾經夏清風涼四肢

宋元
詩會

輿肇

武邱寺

高僧危閣侵雲際盡日披襟濯好風極目長川人不
見萬株烟樹接遙空

虎邱
志

滄海何年湧秦傳虎踞邱池空劍光冷墳缺鬼吟愁
石礙樓臺仄烟深草木稠吳人貪勝槩春盡亦來游

同上

善月

題三女岡白蓮花

天開地闢詎云賒，異草靈苗特一家。
不有岡頭三女粲，爭數處子六郎花。
□□□□□□□□□□□□□□□□
有種凜生氣，白玉微根不受瑕。
□□□□□□□□□□□□□□□□
他時若補芬陀傳，端

與優曇定等差

嘉禾志

道章

偃松 聽松軒

得地久蟠踞，參天多晦冥。
月通深夜白，雪壓歲寒青。
獨擁虬腰大，疑聞雨甲腥。
深根動坤軸，蕭瑟挂疏星。

常州府志

惠巖

正覺寺

野水痕俱落拏舟日未西
斷溝橫略約支徑入招提
方廣原深似竹林境可齊
徘徊未能返暝色起前溪

撫州府志

晦山

曹山寺

千門荷玉紫雲蟠
偶翳浮塵影欲寒
不是老人重着

力雨花洞口棘漫漫

撫州府志

圓照禪師本公

觀石鼓

造化功成難可測，不論劫數莫窮年。如今橫在孤峯上，解聽希聲遍大千。

羅湖野錄

谷泉

號大道禪師，泉州人。爲僧南嶽芭蕉庵，受法汾陽放蕩湖湘。後省同參慈明禪師。

參慈明禪師還而作偈

相別而今又半年，不知誰共對談禪。一般秀色湘山

裏，汝自匡徒我自眠。

泉州府志

惟慎

晉江人戒行潔清天聖中遊京師至則徑歸曾
魯公問曰闕下無禪侶如何住得君惟慎應聲
云云

句

敢言知己少性本類孤雲

泉州府志

寶玄

康仙祠

南望青山十里賒五雲深處問琵琶從知天子封侯

廟原是神仙賣藥家

龍溪縣志

藏叟

福建龍溪僧

送客宿九日山

石灶斷苔紋摩娑弔隱君
風吹遊子秋月照古人墳
舊事殘碑在荒祠流水分
永懷山忽暝黃葉墜秋雲

南安縣志

釋名闕

羅隱題詩石

峭壁巉巖枕碧溪
昔賢曾過此留題
一時章句今人憶
萬古聲名與日齊
山色淺深來白鶴
水光溜瀉漾

金雞我來弔古尋遺跡只有漁翁傍石梯

南德志



門下士德清縣學生員胡恭壽校

宋詩紀事補遺卷九十七終

宋詩九十七

三

宋詩紀事補遺卷九十八

缺名姓

歸安陸心源伯剛父輯

王某

皇祐時人

遊東禪院

曲曲青溪疊疊山石門深處有禪關我心自得閑滋
味坐聽風口盡日還

汀州蒼玉
洞石刻

趙某

嘉祐六年商州軍事推官試秘書省校書郎

涼軒

古邑逢賢宰構軒涼景生塵埃不復到泉石有餘清
詩得幽奇句琴多雅淡聲居民陶美化應此放高情

解州
全志

張□□

度支郎中熙甯時人

遊東禪寺

好峯飛去後流出亂雲根應爲留僧住□□□□門

長汀縣
志金石

王工部

元祐時人

樓觀南樓

常恨閑行少，忿忿忽解鞵。秋風尹家宅，更得甃盤桓。
十二月十二日至樓觀作

罷歸關令存遺宅，羽駕征人有舊邱。水石自含仙氣，
爽煙雲常許世人遊。悠悠天道推終始，擾擾塵纓滯
去留。君看一官容易捨，老來棲止占山陬。

以上金石萃編

盛□□

政和五年祕書省校書郎

題淡山巖

黃公邱壑人，閱遍山水奇。晚觀澹巖作，獨許天下稀。

我初頗未信及到迺愧之偉茲過奇特驟睹心驚疑
神靈蘊幽祕無乃弗許窺捫苔漸深入歎愕不自持
穹窿但一石轆轤周四維廣容千人騶高建五丈旂
巨勢裂地軸虛窗豁天扉森然萬幕張鬱若曾雲垂
危蹬過別洞絕壁浮煙霏幽房瞰窈窕屏榻如龔治
雲霞起坐隅翠嵐著人衣頓覺從來山榛莽翳土垢
化石事茫昧驅蛇知是非井臼儼遺處芝田留舊畦
云昔隱僊宅此理固亦宜元柳跡不到隱顯當有時
憶我半紀前已與茲山期了然蘭臺夢宛渡瀟江湄
今來恍如昨始悟非人爲甯嗟擯幽逸特爾足自怡

無窮軒冕客有幾能游斯天應出此境以慰遐荒悲

零陵縣志金石

郝失名

宣和時人

宣和癸卯登浮光山

呼舟入境陟崔嵬今日登臨慰昔懷覽勝凌虛緣絕磴憑高索句付磨崖松聲夜落千年洞山勢晴連萬里淮仙蹟空遺丹井在宦塵行歎老筋骸

光山縣志

師□□

紹興六年四川提刑

按繫年要錄紹興四年九月左朝散大夫知蜀州師

驥提點成都府路刑獄公事驥
彭山人也據此則爲師驥無疑

昨傳旨勞軍彰明蒙文孺智仲皆惠佳句道
中先次文孺韻奉寄併以謝智仲

聖主寬仁念小臣江湖未許去垂綸眷言劔閣出車
遠用錫楓宸湛露春燕豆恩光浮四坐旌旂喜氣動
三辰顧余濫辱皇華命更獲從容遇故人
萬口

金石苑

慶元中巴州通判

九日南山

南山何峩峩羣壑秀色聚朝暉與夕靄□□□去住

徘徊九折險縈曲一川注懸崖置屋□□穴亦可度
蒼然老楠木幾閱風霜斲孫枝□□許老幹未肯仆
□年重九日來者必三顧□□刻峭壁皆欲寄□□
念我獨何人今日追故步凌晨出南門風雨怯行路
不憚登陟難恐失此日故造物亦隨人晴雲送日暮
徐行兩柏間杯盤供草具賓僚不鄙我笑語露情慄
他時儻再來莫指桃源誤

金石苑

范某

字令聞號遜廬忠文公鎮之裔慶元中官利州

轉運使

六一堂

法缺十雪缺五照缺二江漢炳靈缺二物缺一

生五色虎缺五山缺一長缺一詔缺五簡缺一秩

滿缺一中缺二然囊衣度雲棧缺三與七賢缺一襜

負中缺二金產

楚公鷹

與鷹寫真惟楚公與公作歌惟老杜畫託此歌以不
朽至今人誦搏空句相傳妙畫舊通靈烏鵲不敢巢
庭樹飢未飽肉資遠擊凜然戴角乃口顧枯枝絕筆
半已訛飛鳥脫字無緣補好事能來一賞音不必移

之在縑素

回龍院

柏人去弗宿萬安退而止見幾懲貫高噬臍嬖妃子
畏避雖同途興亡乃異軌江邊招提小樓閣半傾圮
回薄二里餘六龍駐於此愁橫雲蓋山悶擊羅帶水
厯厯斜谷路去天尺有咫昨夜雨中鈴哀音猶在耳
畫像赭衣袂挾一弓兩矢侑以聖雲孫祖武略相似
劍外塵再蒙黃明著年紀今我弔陳迹行邁亦靡靡
吹動波間皺正值秋風起安得如漁翁垂釣江之涘

褒公亭

唐變租庸調之後皇朝列聖踵□餘□科若使猶仍
舊人到于今□奠居金石苑

趙□□

咸淳中清江人

淡巖偶成

巖扁二里鎖煙霏天下名山此本稀硬石穿空誰運
斧寒泉滴雪欲添衣仙游塵外杜蘿老僧住山間筍
蕨肥自歎微官猶縛我倘容卜築定忘歸湖南通志
金石略

楊□

重慶太守

留題石魚

邀客西津上觀魚出水初長江多巨石此地近仙居
所記皆名筆爲祥舊夫書豐年知有驗遺秉利將舒
戲草春波靜雙鱗樂意徐不才叨郡寄燕喜愧蕭疏

刻石

胡缺名

新安人

千頃山

淳熙十三年六月中使奉德壽宮命捕金銀魚
千頃山高六十里有寒潭清且泚神龍久向此中

蟠作霖肯爲蒼生起羣魚從之時浮沉噉喙光彩歲
月深自然形質異凡鬣或如美玉或如金或青或紅
或間色縱使丹青模不得幾年潛伏少人知一旦聲
名動京國皇家太平端好奇麟欲效瑞鳳欲儀白環
銀甕爭走獻豈得汝輩藏洿池深山大澤多遺寶紆
餘卓犖皆娟好願移網罟聊一施嶄然頭角趨明時

咸清臨
安志

鮑承議

秀峯院

平田千頃綠秧稠水繞山阿出澗流門掩落花春自

晚畫簷時聽鳥聲幽

福州府志

馬提幹

涪州

地据襟喉重城依雉堞堅東漸鄰楚分南望帶夷邊
舟楫三川會封疆五郡連人煙繁峽內風物冠江前
溪自吳公邑園由妃子傳許雄山共峻馬援壩相聯
灘急羣瀦沸崖高落馬懸石魚占歲稔鐵櫃驗晴天
地煖冬無雪人貧歲不綿巖標山谷字觀塑爾朱僊

輿地紀勝

蔣金部

江西運使

遊譚田寺

我愛譚田寺短橋橫碧波數椽松竹裡靜處不須多

武甯縣志

范都轉

省謁觀文之瑩留題

先帝龍飛第一年囊封夜半達甘泉朝來急召明光殿
讜論能回不夜天遐想神口今已遠永懷帝德浩
無邊他時信史傳遺事悟主應口數百篇

平江縣志

柳儀曹

楊尙書寄柳筆

桂陽卿月光輝徧毫末應傳顧兔靈

輿地紀勝

謝法曹

句

多情未老已白髮野思到春如亂雲

隱居通議卷十一

吳朝奉

濯纓石

乘興滄浪水際行江澄如練接天平玉樽暮舉頰添
酒石砥浮簾就濯纓夜月浸潭冰鑑冷密星沉水浦
珠明南山環峙相輝映直聳蓬萊侍玉清

宋詩拾遺

徐屯田

過杜工部墳

水與汨羅接天心深有存遠移工部死來伴大夫魂
流落同千古風騷共一源江山不受弔寒日下西原

塵史予熙甯初調官泊報慈寺同院陽翟徐秀才出其父屯田忘名所爲詩見其清苦平淡有古人風致不能傳鈔其過杜工部墳一詩云云

陳留縣尉

禱雨張子房廟

今人不如古肉身不如土我來漢相祠爲民祈靈雨

石齊老說神宗時京師旱上閔雨形於寤歎宰相請下畿內還禱祠廟陳留有張子

房廟縣尉亦才雅但好譖分命詣
廟爲二十字詩題文成侯壁云云

傳舍人

壽春

淮南據險逆西京仁贍輸忠保一城今日鄉人聊合
祭未應同食便同情

余長子渝嘗爲壽春令邑有淮南王安廟
春秋朝廷祀之邑人思劉仁贍之功德欲
立廟不可得也遂共爲劉令公像於淮
南廟歲時享焉傳舍有人爲詩云云

梁知錄

廓然亭

危亭縹渺斗星傍俯檻連雲掛碧蒼航快遠隨飛鳥

下樹穠陰覆酒樽涼胡床坐久景方見詩句評多味
最長况有青山對揮塵每逢高論賞仇香

泉州府志

陳史君

汀州

我愛汀州好山川秀所鍾閣前橫涵水

雲釀閣

亭畔列

奇峯

蒼玉亭

古驛森慈竹

臨汀驛

連城挺義松

連城縣有義松

輿地紀勝

劉失名

知府右司

淳于送牡丹病中賦

數枝迎露剪明柯深淺明霞暈醉羅伊洛向來誇地
勝蓬瀛端自占春多偶因饒病疏杯酒重惜餘芳妥
砌莎造化工夫誰料得不應遲晚恨陽和

勸農出城與僚友園中小飲

數枝絕豔照祠庭魏紫姚黃總記名勞苦初來勸耕
事留連忽作送春行風和僻地元無閒氣晚東郊別
有情馮謝主人應愛惜素封莫減舊家聲

黃縣志

邊□□

官郎中

淨明寺

疎篁葱蒨雲添潤亂石玲瓏蘚借班小有洞從仇穴
入妙峯頂對德雲間

漢濱集卷二

趙史君

萬松嶺

清溪狹徑小橋東春入桃花處處同我爲日長無一
事偶然來此聽松風

輿地紀勝

丁運使

射虎行

猛虎耽耽威百步一矢斃之侯甚武當時得雋驚倒
人此事今無聞往古孫郎登車方控弦千鈞竹弩伏

道邊終日獲彪何足數中石沒羽還徒然豈如跳哮
負林谷躍馬彎弓洞胸腹須知勇銳敵萬人下視虓
虎同麋鹿聲名藉藉喧上都邊頭何憂羌不輸願憑
願陸丹青手畫作君家射虎圖時紹興甲子總管楊
從義行饒峯有虎突
出人皆避之義獨躍馬而前一矢殪
之故運使丁公有此作漢南府志

姜□□

字渭叟

懷王龜齡

左原消息杳無聞今我愁懷似亂雲多病廢詩兼廢
酒青春孤我亦孤君要同學問文章樂無奈東西南

北分况是一簷殘雨後落花飛絮兩紛紛宋詩拾遺

林□

永嘉人

脩史大著吏部陳君持節□□□舍賦詩□

餞不揆荒拙幸發一粲

天頌一札語叮嚀光動郎官駕使星賴有斯文增氣
餒可無吾道活生靈馳驅漫說周原隰登轡先須辨
渭涇珍重□章臨遣意不徒鹽筴與茶經湖州府志金石略

林□□

字石田平陽人

答王學士

已著山人屐那能遠入城艱難思變姓老大畏爭名
病葉兼蟲下閑雲背雨行長懷陶靖節出處意分明

宋詩
拾遺

林□□

字杏村平陽人

旅中

一劍隨孤影風霜道路長何人忽橫笛有客正思鄉
古驛自芳草空山又夕陽啼猿莫添恨今夜宿瀟湘

宋詩
拾遺

東方郡守

眾樂亭

重尋佳景冠南州天與邦人作勝遊百尺臺城偏得
月四時花放不知秋當軒疊嶂高還下傍檻長溪咽
復流只道史君能共樂有誰能會史君憂

輿地紀勝

趙失名

贈令狐使君

□□昔有□登臨倚空闊震凌誰負舟荆榛披雉堞
謁來亦期年每每念陳迹雖嘗補苴時忍使勝覽絕
度材倣飛甍開徑通遊轍盍簪領嘉賓舉酌及良夕

風清無規塵夜寒聽伊笛茫渺挹天根淡蕩浮月魄
景色逐時新詩聯懷古刻樓成且志喜平疇賸秋穡

嘉禾志

藍諫礬

按宋河東路平陽府有煉礬務此藍諫礬疑藍
姓爲煉礬務官者煉礬是地名如稱烏程令爲
某烏程

廣勝寺

一上危亭倚翠微曠然懷抱失塵機天遙流水分明
去野闊輕雲自在飛歲景又看梅已落鄉心還見鴈

將歸紛紛戰國無窮事今日誰能說是非

山西通志

朱失名

紹興乙酉中秋後五日乘休沐之舟

家爲藏真之游

白首扁舟訪尋江山登臨是藏

處平生賞愛心

石刻

趙失名

游都梁

暮煙迷海戍遠水接淮天拍塞凭欄恨神京在北邊

又

纒入都梁郡愁登第一山不堪高處望未得故疆還
真地紀勝

甯□□

號菊菴

嘉魚池

四百峯巒隱畫屏翠光樓閣起山溟高侔太嶽千山
小勢鎮乾坤萬古青石洞猿啼烟月落嘉池龍起水
雲腥臨流磯上誰遺跡隱約仙人竇子明

九華山志

李□□

安福秋吟寄陳銳秘書

縣庭事簡得餘功詩興秋來不可窮
臥聽寒蛩莎砌月行衝落葉水村風
愁髭漸去人前白醉面猶憐鏡裡紅
苦恨交親多契闊未知良會幾時同

安福縣志

李失名

貴州太守

贈俞仲昌

家對南山第一峯誰知大隱隱松蘿
閑身悟道持心得俗事隨緣見性通
門外高居無俗客篋中靈藥是陰功
年來更喜兒孫盛俊筆香名紹素風

輿地紀勝俞仲昌居慶林坊高蹈之士也
居嘗以養性爲事鄉人尊之稱爲老先生

至和中郡守李
某贈詩云云

李 失名

運使

鬱林州

肩輿初入鬱林州井邑都如舊日遊雖有山川供遠
客不堪雨露濕征裘土風慣習瘴誰慮客况寂寥心
自愁春去秋來人共見十年辛苦在炎州

輿地紀勝

文 失名

文林郎書記

次馮判府韻

何妨綠罽對書容此是西南第一峯石篆年深間虫
鳥山高勢壓熱蛟龍曉看三疊巴流字歸去一聲雲
外鐘峴首他時傳勝事醉翁行樂不違農

金石苑

古 缺名

與古成之同縣人

南田石

仙客有靈千古在洞門無鑰四時開

輿地紀勝

郭 缺名

廣陵人

遊東禪院

地去關城遠無人□□□泉流溪路窄石顯洞門深
□□□□□□□竹樹陰□□□□□□□日解題襟

石刻

馮 失名

遊南山賦五十六言呈書記郎中教授大著
暇時結客小春容路直重巖紫翠峯雲閣翬飛翼鸞
鳳石枘盤屈老虬龍林飛雨過便秋菊山寺風清度
晚鐘快展眉頭須劇飲天開霽色不妨農

巴州志

程 失名

字叔易

題畫扇

萬里稻梁高興誰將出入君懷已訝天邊月上更疑

蘋末風來

宋詩拾遺

子燉

失姓

致爽軒

團團竹色遶郊居勾引清風百畝餘憶昔敲門蘇內
翰而今下馬范中書

輿地紀勝

適宜

失姓

登洪慶觀

行到蓬萊第一宮卻慙仙路印塵踪界開形勢崑崙

水送過烟嵐黛媚峯經夏定知非暑氣乘時猶逮看
秋容不才佳景難爲賦空立斜陽倚瘦筇

山西通志

口大中

元豐時人

自清平如郿號過樓觀南樓

紛紛塵事日嬰懷一見南山眼暫開好是晚雲收拾
盡半天蒼翠望中來

金石萃編

口守億

號野逸子錫山人紹聖時人

正月五日從德儉大夫遊廬山聖境坐中作

以紀一時異事

明庭事業青雲上，蹇屈鳴絃非所望。聞有靈蹤在境中，何從揮鞭時一訪。石路盤紆入道家，老松偃蹇枝槎枒。昔年煮藥盧童子，嘗聞白日乘雲霞。紅塵不到神仙窟，殿宇荒涼古突兀。海迂幽深春未來，寒風吹池水生骨厚冰。無文印沈冥，一泓斜卧雲母屏。屏底有物色如玉，隱隱結就浮屠形。澄澄照眼琉璃瑩，還同倒影落明鏡。殆非人巧出天工，龔俗安知凡與聖。吾皇德澤被四夷，產此正是興龍時。畫圖難展丹青手，聊作昇平瑞應詩。

山左金石志

松卿 失姓

遊麻姑

平生但玩魯公碑今日身親到翠微一徑穹窿騰石
棧萬松森立護雲扉真人得道書丹籍福地遺蹤付
羽衣暫得清幽消俗慮不堪斜日便催歸

重刻麻姑山志

口本之

失題

一篙春水滑無聲一葉輕舟過短亭飛蕩晚樓迷紫
翠夕陽孤塔認丹青懷人遠折三花樹何日相携雙
玉瓶欲喚漁郎問風色鳧鷖飛處酒初醒

隱居通議卷六

口奕載

犬雄寺

琉璃葉下剪梧桐綠子青枝掃地空俗眼如何有青
白好風安得問雌雄物隨塵境工榮頓人觸心兵戰
異同只可輕帆理歸興暮雲蕭散大江東

密齋筆記卷三

口王一

烏根嶺

峽門雲散路如疇江上潮來山欲浮人生何必專支
遁到處青山是沃州

太平縣志

口芹庵

壽運使

炎蒸忽逐火雲斂
爽氣俄隨玉露灑
不是眞賢生間
世爭教煩暑變清涼

玉節煌煌擁使星
泉流地上富全閩
光華勳業知何
自咸詠崧高降甫申

總計甯專借遠方
高勳盟府要深藏
明年今日歸清
禁天語傳宣勸壽觴

白叟黃童喜色開
誕辰喜遇福星來
滿城牽挽問衙
探祝壽明晨薦幾杯

發糴轉溝蒙厚德
葬枯橫野荷深恩
當知仁者從來

壽鶴算龜齡不足論

龐眉相對講英猷盡說當年氣食牛六十重新開甲
子八千從此富春秋

鵬程九萬翼方展桃實三千花正開再拜願伸難老
頌仙風定合繼蓬萊

父老偏憐最小官晚來爭借壽詩看般門盡說難揮
斧句法丁甯子細安

截江網

□子發

錦石巖

巉巉怪石錦鮮明不假人爲自織成頻向水晶簾外

立泉聲那更雜溪聲

又

倚空峻壁列松杉水色嵐光總不几一段畫圖奇絕處夕陽天際認歸帆

又

平昔曾聞錦水名維舟特向此中行只愁凡骨成仙去寒卻當年泉石盟

謹案詩刻在仁化錦石巖段作段書誤也

廣東

通志金
石畧

闕名

字子尚

別王龜齡

中原回首尚□塵
世事徒驚日月新
霸旅不堪頻作別
壯懷雖在已甘貧
南來求友傳三益
西去論心有幾人
別後夢魂何處是
祇應來往任江濱

宋詩拾遺

□□璋

環溪夜坐

江天閑晚已斜陽
靜掩柴門對草堂
葉落轉枝翻鶻影
星飛橫水帶秋光
微風得雋驅殘暑
新月出林生嫩涼
坐覺秋容轉清爽
一聲漁笛在滄浪

失題

下筆非能不自休清談未足第三流
夢中讀易疑神動醉裏吟詩想鬼愁
飛鵲豈徒驚燕雀騎驢直欲度
驢騾此君穎異無人識慚愧當年遇褚哀

宋詩拾遺

關名

道邊松

大義渡至漳泉東問誰植之我蔡公歲久廣蔭如雲
濃甘棠蔽芾安可同委蛇天矯騰蒼龍行人六月不
知暑千古萬古長清風

洛陽橋

一 望五里排琨瑤行人不憂滄海潮衝衝往來乘仙
屐蔡公作成去還朝玉虹依舊橫青霄考之溱洧功
何遼千古萬古無傾搖

方輿勝覽仁宗朝襄以便養知泉州架洛陽橋先是公爲閩部使者夾道種松以蔽瘴毒閩人卽橋旁作堂以祠之又作詩二章俾歌以祀公

□治中

紹興丁丑題烏石山

烏□□漉石撐突倚山巔□□羣羊伏昂昂萬馬聯
何年現蓬島終古頌桑田相揖閩王宅東隅有九仙

烏石山
題名

傳知錄

題太平館

今楓亭驛

萬物榮枯自有時，梅花非早菊非遲。
時人莫似春蝴蝶，才到花開便滿枝。

興化府志

口說

號平山仙遊人

高平北巖

路入仙峰不記重，一軒瀟灑檜陰中。
溪山括盡丹青巧，天地馳回造化工。
風刻鱗波清枕簟，日扶花影上簾櫳。
來遊絕異人間景，身世依稀到藥宮。

興化府志

門下士德清縣學生員胡恭壽校

宋詩紀事補遺卷九十八終

宋詩紀事補遺卷之九十九

歸安陸心源伯剛父輯

江南劍客

題鶴林宮

暑往寒來造化閒誰將大藥駐朱顏騎鯨客去天連
水跨鶴人歸月滿山爐火焰燒情慾境劍峰割斷利
名關烟花隨分巖頭綠猿鳥不驚春色閒

福甯府志

泉塘客

臨江泉塘李氏宴集賓客賦送春詩風雨交作
悵然欄筆忽一人簑笠來謁旣入遂援筆賦詩

長嘯擲筆而去惟見門前有一回字乃知爲洞

賓或云白玉蟾

按泉塘客一作莎衣丐者地在建安一作野亭老父地在桐城

途中此據臨

江志收入

送春詩

怨風怨雨總皆非
風雨不來春亦歸
蜀魄啼殘花影瘦
吳蠶眠老柘陰稀
臉邊紅綻梅初熟
口角黃消燕學飛
我亦欲歸歸未得
杖頭猶挂舊蓑衣

江西詩徵

秦檜客

獻檜相壽

傳聞是日慈甯殿亦把爐香祝帝師

大全集一百七十六

雲盤山人

楚人

晚宿靈岩

風雨旃檀閣煙霞鐘鼓聲定僧今不作空谷尙傳燈

靈岩集

玉壺洞客

彭澤縣石壁山一名玉壺洞宋時有客題一詩
適縣尉祈雨經其地見墨跡未乾追之不得

詩

洞前流水碧于苔洞口桃花撲面開轉頭望斷意不

斷長嘯一聲須再來

江西詩徵

鍾傳客

傳鎮江西日客有以覆射之說求見者傳以歷日包橘置袖中令射客答云云

覆射辭

太歲當頭立諸神不敢當其中有一物猶帶洞庭香

江西詩徵

鶴林老圃

南和尚頌曰傑出叢林是趙州余謂其徒當作安帖因成此示諸罷參禪者

憤經行腳老禪和南北東西道路多問得臺山驀直
去行行勘破趙州婆

趙州婆子最多知不識當年老古錐幸自臺山行路
直欲便宜處是便宜

石刻

竹林吟叟

百家巖

明月池邊酌玉壘玉壘未倒玉山頽秋風吹斷華胥
夢臥看飛雲過嶺來

懷慶府志

元在菴主人

淳熙時廣西人嘉定乙亥刻詩於桂林華景洞

崖石

石堂歌

吾斲石堂無變恠土缶瓦鼓閑遊戲一鑿相隨萬事
空十二時中牢捉繫牢捉繫不在三開前後際拍將
兩手笑呵呵這箇消息不容易不容易拈起石頭拈
不住放下石頭放不去去與住認取石堂門前路不
開窗不閉戶塞破世界無覓處煖則乘風涼則眠烟
霞雲外朝還暮朝還暮不貪榮不貪富不戀妻帑及
兒女隨緣自在度時光看著古今多錯誤皇天厚土
莫相瞞翻來覆去能幾許前賢後聖說多般千經萬

論從頭注渠不省渠不悟一任從渠失故步我自知
我自願富貴渾如草頭露人與我愛與妬對鏡不生
無喜怒清涼世界乃吾臺是非海裏終不覩不向君
王殿上行不入豪家問尊貴紅妝艷粉任安排誇逞
從他鬪能會英雄強弱只一般嘍囉巧拙說甚彩少
年才子漫風流絕代佳人臭囊袋一息不來何所尋
萬兩黃金不容帶都是空必竟敗唇鏘舌劍遞相欺
縱使金印如斗大儘數收拾滿倉箱不知前面能幾
歲一著錯分明輸卻無羸落聚散還同浮水漚頃刻
之間難捉摸不向根基上乘尋个个急後抱佛腳早

悟解早悟解不如石堂一大塊石堂壞時從他壞這
一大塊元自在堅且耐風霜雪雨摧不碎祁寒隆暑
沒遮欄春去秋來任推載四方八面透玲瓏石堂裏
面快活睡覺後還將恁麼時撒手便行無布擺

金石續編

巖叟

梅魂

香滿羅幃凝不消笛聲吹斷夜迢迢霜蜚月落無尋
處欲倩青衣使者招

梅影

玉頰寒口強對人今年清瘦不勝春相知只有窗前

月摹寫春風水上身

書畫
集攷

廬陵登雲莊田父

歐陽守道適野憇一田舍見壁間有詩問之童子對曰吾翁耕登雲莊田此詩吾翁作也守道爲作登雲莊記

題壁

雲兮雲兮變化有神靈兮捲起地下黃飛去天上青兮仙人乘雲天尺五借我清陰覆赤土雲閒逍遙人閒苦年年苦時望君雨

江西
詩徵

王老

宋咸淳閒龍泉縣有賣豆腐王者年八十有六平生樸素不識字忽呼其子告以欲歸令代書豆腐詩云云言訖坐化

豆腐詩

朝朝只與磨爲親推轉無邊大法輪展出一團真白

玉將歸付與未來人

江西詩徵

蜀翁

送熊退齋歸武夷

君居建州溪我住東浙尾邂逅入壺山于今幾寒暑平生譚理道涉獵頗自喜考擊到精元我膚君骨髓

君學有根源君文有規矩寸步履平實不知虛浮語
禮廢彝倫斃聾盲數百載紫陽當日心誰復爲鼓舞
氣運未回天人力不能起終焉經久功或慰奔馳苦
讀書要適用行過言猶恥架空累萬辭先儒已坐此
觀君治教篇農學相資倚以茲行吾志萬物當得所
奈何人理繆痛哉時不與君去將安之波浪更風雨
武夷高且深擢歌聲未已朝夕足夷猶尙友朱夫子
他年見鰲峯勢與此山擬了卻未完書相逢定何許

武夷
山志

沐高士

秦人洞

山前溪是當時水源上桃非舊日花多怪漁郎露消
息洞門從此鎖烟霞

煉丹臺

洞角丹砂吐錦雲龜毛鉛彩瑞氤氲我來收入縣胎
鼎煉到洪濛未剖分

綠蘿

第一岩前景若何江流漱灑漾晴蘿遊仙道士無縈
繫也共白雲棲澗阿

楚山春曉

霧散雲收宿雨乾
春桃落盡曉風寒
晴山四望天開
畫鳴鳥一聲人倚欄

潯陽古寺

潯陽古寺久荒涼
倒柱頽梁臥夕陽
一盞佛燈猶未

滅
霽天雲淡月華光

桃源縣志

谷倪子

留題嚴因崇報禪寺

去郭六十里閑遊
避世譁不將仙鶴伴
還用白牛車
艸木隱君宅香燈古
佛家幾多吟景致無
限筆光華
泉想尋新眼茶應發
嫩芽遙知碧巖上
舉手拂烟霞

建康志

玉盤居士

題樟林寺

有碑高述
題名在側

千巘壁立任蒼苔今日玉盤居士來洗斲雲根堪宴

坐不教獨秀在天台

天台續
集別編

白石灘碑刻詩

宋英宗治平元年大水新城石城西港白石灘

獲碑數片有詩云云

詩

太原王氏女金陵韓守妻戊辰年八月葬在石城西

日爲弓兮月爲箭射四時兮生改變千年萬年松柏
風悲盡死亡人不見

江西詩徵

逍遙觀詩

安仁招仙山舊名黃婆店世傳東晉有黃婆市
酒王郭二仙經過黃婆舍基爲觀名招仙觀宣
和時賜額曰逍遙有無名氏詩

詩

昔設黃婆舊酒壚如何今日似蓬壺只因王郭仙人

過化作青城上帝都

江西詩徵

南豐無名子

曾博士易占以仕不遇卒夫人朱氏無以自存
領諸孤歸里中文定兄弟六人俱寥落與長弟
謀應舉復不第里人以詩嘲之文定初不介意
力教諸弟不懈嘉祐二年俱中鄉薦復試禮部
皆捷數年並躋華要曾氏由是興

嘲詩

三年一度舉場開落殺曾家兩秀才
有似簾閒雙燕

子一雙飛去一雙來

江西詩微

無名氏義試詩

南宋時南豐鄉里諸齋出題示學者賦詩考殿

最名義試詩

孔明草廬圖

南陽高臥屈將軍
往事流傳水墨昏
莫訝軸閑茅屋
小箇中藏得漢乾坤

葡萄月

春藤上架翠成窩
顆顆圓光得月多
疑是藥珠開夕
宴結成珠帳待常娥

江西詩徵

□庭倚

庭倚來游慷慨懷古

宦海漂浮若轉蓬
唯餘訪古意無窮
曾觀老柏懷諸

葛今對古枿思鄭公遺憾已隨流水遠英名仍伴故
山雄後來碌碌空千輩誰許登臨繼此風

巴州志

口公才

公才觀庭倚懷古之什爲次元韻

一本修柵出萬蓬挺生綿邈尙誰窮胡爲壯烈思嚴
老雅愛甘棠學召公懷德自應存芘蔭企賢那不念
英雄要知遺躅傳無盡時聽龕巖度遠風

巴州志

缺名

比游淡岩洞成一詩敢用拜呈

行盡瀟湘山復山掣舟來叩淡岩關幽深雖與塵寰

隔空闊猶容俗駕攀是處名山有巖竇莫如此地最
寬閑真人仙去知何在陳迹空留警世頑

零陵縣志金石

闕名

運使

大觀己丑遊七星巖

三四奇峯傍短亭一巖春色冠圖經四時吞吐西江
水萬古森羅北斗星日月餘輝通□□□霞微徑上
青真嶺南惟此興王地好與邦人作畫屏

金石續編

闕名

郎官湖亭

郎官遺愛鑿成湖李白題詩在昔初春水浪翻驚野
鷺夏荷盤側戲游魚冬風結凍凝青漢秋月分光落
碧虛我愛四時風景好買山來此剏幽居

輿地紀勝
七十九

闕名

題石魚

上 諸公討未決朝忌其事夕失功詎可因循守常法

人心感處是天心至誠解使金石製形勢不宜欠冷
落鼓作須及人情熱每憂姦雄東風塵它日未易傾
巢穴人才政事所急者此閒伊呂何常乏况如耿賈
郭李輩馬後牛前誰識別黃芽搖寒鷓不飛鬼洞蠻

虛新過雪行矣強飯莫飲酒偷閑讀書備施設一官
皆可行其義勿學庸人苟歲月蹄涔之水無鯤鯨鴛
鳳甯肯爭雞楫吾皇駐趨浙江西努力朝宗致忠烈
星馳電走見相下石刻

闕名

和郭使君韻

郭侯凜凜氣橫秋管領江山作勝遊痛飲不知烏景
墜清歌更覺鳥聲幽誦君崖畔神仙句淡我胷中浩
蕩愁萬里相逢更相失他年卜築共歸休

巴州志

闕名

小桃源

綽約去明真仙源萬木春要知竊桃客定是會稽人

輿地紀勝曩有耕於小桃源得

一銅牌牌上有詩一絕云云

句

城邊一水抱城流城外羣山擁郡樓

野翁堂

朝市若山林意適無遠近結廬在城郭茅竹懷遠韻
漢吏貴無華魯禮從先進

涵碧堂

方塘納霽景一碧共晴寒龜魚橋不隔霞鶩鎮相看

其誰領勝解結束小闌干微波坐來息人意亦平寬
環翠堂

羣山關設險高屋畫多陰晴巒度邱壑疎翠上衣襟
琴聲有成虧畫手隨淺深不如陶謝輩著句寫登臨

輿地紀勝諸詩得於皇朝名賢
文苑菁華集不著作者名氏

關名

無題

試將潛皖問雲遊何似靈巖與虎邱應道淮南山水
勝清奇都在兩三州

輿地紀勝張甯驛中墾
地得碑尺許題詩云云

闕名

題譙樓

畫角吹來歲月深
譙樓無古亦無今
不如歸我龍山去
松竹青青何處尋

輿地紀勝紹興初吹角老兵一日忽題此詩於譙樓上遂遁形而隱

無名氏

建炎時人

題宜興迎華驛

家問不來秋夜長
白鷗眠處倚牙檣
風搖湖水動山影
天壓隴雲低雁行
菊老過時猶嚼蕊
魚逃無水尙

鳴榔洗兵馬詔何時下免遣農夫坐女牆

重刊宜興縣舊志

闕名

和別駕蕭世範贈王巖詩四首

莫守陳編學蠹魚筌蹄真似古人書利名滄海浮漚
聚身世乾坤逆旅居懶向明庭陳一得還留故館積
三餘塵埃滿足崎嶇地羨子搏風上日車

折腰五斗信非天薦禰徒勞一鶚書淵底縱鱗誇水
泳林閒宿鳥樂巢居心隨俯仰緣無嫌身任行藏自
有餘試問通衢何處是聖門無限指南車

堪笑先生四壁無寒窗剩有五車書一童只許長鬚

伴半世長同隻影居白屋不嫌藜藿少朱門卻厭稻
梁餘枕流漱石多佳趣不羨人間駟馬車

富貴須論命有無謀身只是半行書飢腸不羨千鍾
粟廣廈何如一畝居世路茫茫終偃蹇生涯處處是
羸餘蕭條此道誰爲助掩卷時過長者居

宋詩拾遺

闕名

次馮判府韻

會事天公怒改容笑驅雲物歛奇峯佳章幻出毫端
鳳妙畫揮成紙上龍千里停涵滄海潤數聲清遠梵
宮鐘山中此客應稀有喜色津津適老農

金石苑

闕名

象耳山

人傳象耳藏蔥蒨口有金仙古臺殿十年五口口口

江小艤扁舟覓奇觀涪東老子詩道僊口口口口山

缺四字夜口夢太白揮手呼我書臺口書臺缺二字又諦

缺十入字入缺五入字淋漓濕紅霧今缺四字籟天竅答

吾響雲霞轉口市塵盡金石苑

闕名

遊象耳山

水似青蘿帶山如碧玉環池蛙鳴聒聒林鳥語闕闕

松檜磐高蓋藤蘿引翠鬢倚欄無一語何以慰幽閒

金石苑

闕名

象耳山

籃輿來自石蒼路喜得幽人陪杖屨應是山靈澤旱

苗不闕居士隨軒雨

金石苑

無名氏

別題

休說三江與五湖平生心眼此中舒人人搃道渾如

畫祇恐丹青畫不如

天台續集別編

無名氏

題甯海瀛蠟

温台萬丘壑走遍成重祗佳山落床頭咫尺反不知
我聞野老說山乃神石移蓬萊本三峯一峯今失之
上千雲霓秀下壓鰲背歆夜半見海日紫暈開咸池
魑魅着老木狂魑向人啼危亭無遺棟絕壁無舊題
夫子勇過我竦身敢獨躋我病不能從夢寐常追隨
秋風海上來霜清鱸正肥行尋越溪鞅肅此 塵鞿

天台續
集別編

題司馬悔橋

在天台新城二境間

道書司馬悔福地在天台茲山秀盤古億載青崔嵬
如何越中志紀載殊未該浪云唐子微曾過茲橋來
奉詔悔輕出欲勒俗駕回至今名氏存修梁架岩隈
圖謀已太戾土俗尤疎哉曰悔明□□大字標板牌
流傳愈訛舛雲笈君試開

天台續
集別編

某運判

宿猿洞和程師孟韻

曉來人語□□驚空有三元□□亭凍酒點唇浮白
蟻濃桃迷眼落紅星地名小酉神仙窟天設湘陰水
墨屏蘊藉莫誇洞庭記移文休勒北山肩

福建通
志古蹟

某府判朝議

南山留題和呂元錫韻

詞源浩渺浙江潮，倒瀉銀河落九霄。
貝闕珠宮春不老，蓬萊瀛海路非遙。
多君訪古曾攜手，愧我勞生漫折腰。
擬欲誅茅成小隱，山雲不薄幸相招。

石刻

無名氏

浯溪

缺

老如包□□□□□蒼黃□□□□身雖□□□

□□垂髭髦□□□力疲但爲妻子謀，道傍多朱門。
勢利交相求，他賓爾雖佳，閉關如避仇。敲門聲剝啄。

謝客語啣啣侯何所尙殊不與茲輩侔攝職願未久
善化應已柔近嶺山更佳九疑清氣哀我方困羈鞅
侯想多長謳何當郡齋內一罇相獻酬

湖南通志
金石略

右熙甯七年詩正書在心記之後姓名已無攷

僅存後二十行此刻前人未見

古泉山館
金石文編

辟雍同舍生

贈林子立

博陵公子眞文虎占斷儒官第二人

興化府志林子立字伯與清源西里人也弱冠
通經學貢辟雍十二試俱第二同舍贈詩云云

宋詩紀事補遺卷九十九門下士德清縣學生員胡恭壽校

宋詩紀事補遺卷之一百

神鬼物怪謠諺

歸安陸心源伯剛父輯

紫姑神

和朱彥

古書讀盡到今書不獨才餘力有餘自是丹山眞鳳
子太平呈瑞只須臾

萍洲可談古傳紫姑神近世尤甚宣和初
禁之乃絕嘗觀其下神用兩手扶一筭箕
頭插一箸畫灰盤作字加筆於箸上則能
寫紙自稱蓬萊大仙多女子也有名字伯
仲作文可觀著某則人無能敵者余寓南
海有一假儒衣冠者能迎致其神在書室
中和余
詩云云

鄧林號謙谷臨川人嘗客孟氏塾戲降紫姑
得詩云

隔溪雲薄雨飄蕭欲采荷花不見橋
欵卜無憑芳信杳酸風空度鳳臺簫

有岳大王

送周琬詩

任此既非樂捨此去何圖若問青氈事惟留一角書

古今類事周琬湘中人端拱二年進士至
澤州宿次夢二吏云大主請遂行至南岳
廟升殿見王曰知員外將入謁只欲辟在
此中與人間不殊且無衣食之念如何琬
辭王乃索筆吟詩送之云云琬覺異之既
至京師乃病琬慮不起遂扶力爲書以寄

其家儿一角封訖而卒與詩意無異信乎死生註定不可逃也

劉鏜鬼

鏜無子以外族仲弁汝素爲後旣死仲弁本生家兄弟盤踞其室香燈弗顧一夕鏜見夢仲弁有怒色索紙筆書一詩云云詰朝仲弁焚香謝

過遷其兄弟別室

按鏜有觀儼詩已見卷內

詩

花邊臺榭柳邊城此日相逢各自親曾憶當年燈下語如今孤負隴頭春

江西詩微

周季發

字伯通宋時南昌人少穎異喜吟咏年三十六
渡象牙潭忽兩鳥從空下銜其頭巾去既歸隨
卒踰年乃降於家吟詩云云族人神之爲刻其
像凡遇水旱及諸疑貳不決事有所禱卽判筆
爲詩驗若影響詩亦多佳製

降家詩

雲鶴翛然世外遊歸來庭樹又經秋塵寰不識芙蓉

主琴榻空懸萬古愁

江西詩徵

刁湛父

夢中詩

聖朝文物古難過何事寒門寵遇多父向石渠新拜
職子從金殿又登科須教杖馬暫踪跡堪笑巢由隱
薜蘿報國報君何所有一心待欲枕長戈

古今類事咸平中刁湛拔潤州解賦舉京
師會其父典合肥得替相會于廨舍父喜
其來因語赴舉次第是夜父夢被召既入
門見張齊賢自內而出曰比部請賦七言
詩詩成夢覺已四鼓召湛記之來春孫暨
榜湛不第父子以夢爲非驗也是年秋求
解向春過省比部自二月初授命俵散山
東鹽運御試一兩間方回翌日御試于殿
門外閣子中坐伺湛之得失忽一大程官
奉勅一道來呈學士已授秘閣檢討又一
橫門官急來云學士秀才第一等及第父
子同日俱被恩榮果符合肥夢中之詩

瑞鷺詩

宣和中新喻傅侯初爲蘄春蔡氏壻登第之歲
婦家簇蠶不繭緣屋吐絲自然成段長丈餘廣
數尺厚薄若一如布邊幅然鄉人以爲祥賦詩
盈軸有一聯號爲絕出

句

園客有絲難比蠶鮫人無杼自成綃

江西詩徵

神君祠夢中人

贈桂材

樓高先見月柳嫩更含烟

古今類事桂材字元珍資中人大觀末貢
于京師宿神君祠下夢人贈詩云云覺而

不曉其意是年登第授唐安教官因游郡
園亭中見詩榜乃前人詆唐安之什不唯
報其登第之兆而唐安
之任亦前定于此矣

中牟夢中人

獻李良弼

九霄丹詔三天近萬疊紅芳一旦開日月山川須問

甲爲君親到小蓬萊

古今類事李良弼大中祥符元年進士知
鄭州將行夜宿中牟夢人持詩獻之云云
良弼不解白于父給事喜曰汝必有前程
至鄭而別五年六月十九日良弼卒于應
天府給事大悲痛夢之不誠後張君房與
給事至應天細詰良弼卒殯之日月及葬
之所而釋之一一不爽則
知死生日月皆有前定

后土祠神人

鄒極字適中號一翁宜黃人未第時禱夢后土祠夢一神人吟詩云云其後皆驗初聯則解試賦題及禮闈題次聯則諒闈榜名在溫姓黃姓之間三聯則持節本路丁艱末聯則夫婦皆以六十五歲而終也極登治平四年進士歷官度支員外郎與執政議論不合請外補除江西提刑丁外艱丐祠得洪州玉隆觀久之卒

吟

天道本無成明從公下生溫黃前後並黑暗裏頭行

大十日止各哀號三兩聲兩個六十五祗此是前程

江西
詩徵

安吉民謠

徐龍圖良能知安吉縣時有惠政其民爲漁樵
耕織之謠以誦

市價漁平酒亦平賣魚買酒快予情扣舷笑指一溪
水若比官清官更清

樵

清曉拂烟上翠微一肩薪樵趁時歸公庭不到私無
事靜掩柴門結草衣

樵

濛濛春雨一犁深一塊膏腴一塊金喚婦呼兒荷鋤

去日來官長又親耕耕

北舍西家巧鬪機阿姑嬌女共裁衣勤勞經緯官無

調保障吾民信不絲織

蘭溪
縣志

羅源民謠

庚午夏羅源縣旱邑人鄭伯淵年七十餘與鄉人徒步至福源龍潭禱雨翌日果雨明年又旱亦如之邑有南北中三溪歲久壅塞伯淵捐金倡眾力疏之連城宰爲記於學居民感其德歌之曰

十里清溪流活水連村綠稼有甘霖羅村野叟千秋

史秋浦先生二片心

羅源縣志

門下士德清縣學生員胡恭壽校

宋詩紀事補遺卷一百

宋詩十百